



>1500 s. C.

Ötzi n'è betg stà sulet – midada dal clima en las Alps

Dapi il chat sensaziunal dal corp neolithic tardiv dad Ötzi l'onn 1991 stattan las Alps pli fitg en il focus da l'archeologia. Gia l'onn 1988 èn vegnidas chattadas restanzas d'in corp d'ina dunna sin il glatscher da Porchabella. La vestgadira ed ils utensils ch'èn er vegnids chattads (cuppa da lain, tschadun, petgen, rusari, chapè da fieuter, vestgadira da launa, chalzers da tgirom) l'identifitgeschan sco pastura giuvna che ha bain pers sia vita cun crudar en ina sfessa enturn l'onn 1700. La midada actuala dal clima e la sdregliada rasanta dals glatschers grischuns laschan sperar ch'i dettia ulteriurs chats or dal glatsch. Tgi che va en muntogna è perquai supplitgà d'annunziar er objects nunsignifitgants che pudessan dar infurmaziuns impurtantas davart l'istorgia dal clima e da la cultura.



Chavazza da la morta, 1992



Chalzer mez aut da tgirom

Mantegnair – examinar – intermediar

L'archeologia perscrutescha l'istorgia e la vita da generaziuns da pli baud. Ella gida ils umans d'encleger lur passà e lur derivanza e da concepir lur futur.

Il servetsch archeologic dal Grischun inventarisescha e protegia dapi l'onn 1967 ils lieus da chat ed ils chats dal chantun periclitads. El fa exchavaziuns ed è responsabel per ina conservaziun, per in deposit e per in'archivaziun moderna da chats e da documentaziuns. El intermediatescha ils resultats en moda fitg variada a la populaziun ed a la scienza e stgaffescha uschia ina conscienza per il ritg patrimoni cultural da noss chantun.



Amt für Kultur
Uffizi da cultura
Ufficio della cultura

Amt für Kultur Kanton Graubünden • Archäologischer Dienst • Servetsch archeologic • Servizio archeologico
Loëstrasse 26 • CH-7001 Chur • Tel. +41(0)81 257 48 50 • info@adg.gr.ch • www.archaeologie.gr.ch